



SURUHANJAYA PILIHAN RAYA MALAYSIA

KENYATAAN MEDIA

BIL. 43 / 2019

URUSAN PILIHAN RAYA KECIL (PRK) PARLIMEN P.186 SANDAKAN, SABAH

1. Suruhanjaya Pilihan Raya Malaysia (SPR) telah menerima pemakluman rasmi daripada **Speaker Dewan Rakyat, Yang Berhormat Dato' Mohamad Ariff bin Md Yusof** pada **29 Mac 2019** berhubung dengan kekosongan luar jangka kerusi **Parlimen P.186 Sandakan** berikutan kematian penyandanginya **mendiang Yang Berhormat Datuk Wong Tien Fatt @ Wong Nyuk Foh** pada 28 Mac 2019.

2. Sehubungan dengan itu, SPR telah mengadakan Mesyuarat Khas pada hari ini dan menetapkan bahawa satu Pilihan Raya Kecil (PRK) perlu diadakan dalam tempoh 60 hari dari tarikh kekosongan iaitu mulai pada **29 Mac 2019** bagi mengisi kekosongan di kerusi Parlimen berkenaan.

3. Bagi maksud menjalankan PRK ini, SPR telah menetapkan tarikh-tarikh penting seperti yang berikut :

Tarikh Keluar Writ	:	05 April 2019 (Jumaat)
Hari Penamaan Calon	:	27 April 2019 (Sabtu)
Hari Mengundi Awal	:	07 Mei 2019 (Selasa)
Hari Mengundi	:	11 Mei 2019 (Sabtu)

4. Tempoh berkempen yang ditetapkan adalah **14 hari** bermula selepas pengisytiharan calon sehingga pukul **11.59 malam, 10 Mei 2019**.

5. Bagi urusan permohonan undi pos luar negara dan dalam negara, tarikh buka dan tarikh tutup permohonan adalah seperti berikut :

Tarikh Buka	:	05 April 2019 (Jumaat)
Tarikh Tutup	:	25 April 2019 (Khamis)

6. Bagi menjalankan proses pilihan raya kecil ini, SPR telah melantik **TIMBALAN PRESIDEN MAJLIS PERBANDARAN SANDAKAN, Y.BRS TUAN HAJI MOHAMAD HAMSAN BIN AWANG SUPAIN** sebagai **Pegawai Pengurus Pilihan Raya Kecil P.186 Sandakan**. Beliau akan dibantu oleh **LIMA (5)** orang Penolong Pegawai Pengurus.

7. SPR juga menubuhkan **EMPAT (4)** Pasukan Penguat Kuasa Kempen Pilihan Raya (PP-KPR) untuk memantau semua aktiviti kempen pilihan raya sepanjang tempoh rasmi berkempen. Pasukan PP-KPR ini akan dianggotai oleh wakil-wakil daripada pihak Polis, Pihak Berkuasa Tempatan (PBT), wakil-wakil calon yang bertanding dan juga pegawai SPR.

8. SPR akan menggunakan **DEWAN AKTIVITI SEKOLAH MENENGAH JENIS KEBANGSAAN TIONG HUA SANDAKAN** sebagai **Pusat Penamaan Calon** dan **Pusat Penjumlahan Rasmi Undi**.

9. Borang Penamaan Calon boleh dibeli mulai **8 April 2019** di Pejabat Pegawai Pengurus Pilihan Raya di Majlis Perbandaran Sandakan atau Pejabat Pilihan Raya Negeri Sabah atau di Ibu Pejabat SPR Putrajaya.

10. Untuk memudahkan proses penamaan calon, saya menggesa kepada bakal-bakal calon yang ingin bertanding dalam PRK P.186 Sandakan agar mengisi dan membuat semakan awal pengisian borang tersebut dengan pihak Pejabat Pegawai Pengurus atau Pejabat Pilihan Raya Negeri Sabah sebelum Hari Penamaan Calon. Proses semakan awal ini boleh dibuat mulai **22 April 2019**. Selain itu bakal-bakal calon juga dinasihati untuk membuat pembayaran deposit lebih awal. Ini bertujuan untuk memastikan semua proses penamaan calon pada Hari Penamaan Calon dapat diselesaikan lebih awal dan berjalan lancar.

11. Walau bagaimanapun, adalah diingatkan bahawa Kertas Penamaan Calon yang telah lengkap diisi dan disemak itu hendaklah dikemukakan oleh calon atau penyokong atau pencadangnya semasa Hari Penamaan Calon di Pusat Penamaan Calon yang telah ditetapkan oleh SPR.

12. SPR akan meneruskan penyiaran live streaming menerusi Facebook SPR berkaitan proses-proses pilihan raya sebagaimana yang dilaksanakan pada PRK sebelum ini. SPR juga akan menyiarkan keputusan tidak rasmi PRK yang tertakluk kepada pengesahan melalui laman media sosial SPR, portal SPR dan juga paparan skrin di Pusat Penjumlahan Rasmi Undi.

13. Seramai **770 orang petugas** dilantik bagi mengendalikan proses PRK P.186 Sandakan. Manakala sebanyak **21 buah Pusat Mengundi** yang mengandungi kesemuanya **92 Saluran** akan digunakan untuk kemudahan mengundi. PRK ini dianggarkan memerlukan peruntukan **sebanyak RM 3.1 JUTA**.

14. Daftar Pemilih Pilihan Raya yang akan digunakan untuk PRK ini adalah **Daftar Pemilih Induk Tahun 2018** yang dikemaskini sehingga **28 Mac 2019**. Daftar Pemilih tersebut mengandungi **39,856 orang pengundi biasa, 270 orang pengundi awal dan 5 orang Pengundi Tidak Hadir (PTH) Luar Negara**. Daftar Pemilih tersebut akan mula dijual pada **22 April 2019**.

15. SPR akan turut menghantar Kad Pengundi (*Voter's Card*) kepada semua pengundi di P.186 Sandakan. *Voter's Card* ini mengandungi maklumat Pusat Mengundi, Saluran Mengundi, Nombor Bilangan Pengundi, Tarikh dan Masa Pengundian. Ia akan memudahkan pengundi untuk mengetahui maklumat pengundian mereka dan melancarkan lagi proses pada hari mengundi.

16. Mulai tarikh 22 April 2019 juga, para pengundi boleh membuat semakan Daftar Pemilih untuk mengetahui maklumat pusat mengundi, saluran mengundi dan nombor bilangan mereka melalui **laman portal SPR** (www.spr.gov.my) atau menelefon ke talian **03-88927018** atau melalui **SMS 15888** atau melalui **aplikasi MySPR Semak**.

17. SPR juga telah membuat penambahbaikan terhadap buku Daftar Pemilih Pilihan Raya (DPPR) yang mana dalam satu helaian muka surat telah dikurangkan daripada **50** kepada **30** nama yang bertujuan untuk memudahkan semakan oleh Kerani Pengundian dan Ejen-Ejen Tempat Mengundi.

18. Pada PRK ini juga, SPR turut menawarkan kepada mana-mana Pertubuhan Bukan Kerajaan (NGO), mana-mana badan atau individu berkeelayakan yang berminat terutamanya dari negeri Sabah untuk menjadi pemerhati pilihan raya dalam melihat perjalanan proses PRK ini bermula dari hari penamaan calon sehingga keputusan pilihan raya diumumkan. Mereka dibenarkan untuk membuat pemerhatian seperti di pusat penamaan calon, pusat mengundi, tempat pengiraan undi dan pusat penjumlahan rasmi undi dan perlu mematuhi kesemua syarat-syarat perlantikan yang telah ditetapkan oleh SPR. Permohonan untuk menjadi Pemerhati Pilihan Raya Kecil ini boleh dikemukakan kepada SPR melalui email pilihanrayakecil@spr.gov.my dan tarikh tutup adalah pada **19 April 2019**.

19. Bagi menggalakkan pengundi supaya keluar menunaikan tanggungjawab mereka pada hari mengundi, SPR akan melaksanakan kempen `Jom Kita Undi` melalui pelbagai saluran media termasuk di media elektronik, media sosial, media cetak, hebahan melalui siar raya dan pemasangan kain rentang di lokasi-lokasi strategik seperti di tempat-tempat tumpuan awam, hentian bas dan lain-lain tempat yang bersesuaian.

20. SPR mensasarkan **70 peratus** pengundi akan keluar mengundi. SPR juga memohon kerjasama semua pihak termasuk pihak media dan parti-parti politik agar turut mengambil langkah untuk menyeru dan menggalakkan pengundi supaya keluar mengundi.

21. SPR juga akan meneruskan penambahbaikan seperti berikut:
- a) Menyediakan **DUA (2) saluran khusus** bagi pengundi yang berumur 60 tahun dan ke atas di setiap Pusat Mengundi.
 - b) **Memanjangkan tempoh masa pengundian** dari jam **8.00 pagi hingga 5.30 petang** berbanding jam 5.00 petang sebelum ini.
 - c) Sebanyak **17 saluran baharu** ditambah bagi mengelakkan jumlah pengundi terlalu ramai di satu-satu saluran menjadikan keseluruhannya adalah **92 saluran** berbanding **75 saluran** pada PRU-14.
 - d) Golongan Orang Kurang Upaya (OKU) akan mengundi di Saluran 1. Pada PRK ini seramai **349 orang** pengundi OKU telah dikenal pasti dan mereka adalah berdaftar dengan Jabatan Kebajikan Masyarakat (JKM).
22. Maklumat-maklumat lain berhubung dengan pilihan raya kecil ini akan dimaklumkan dari semasa ke semasa oleh SPR.

Sekian dan terima kasih.

AZHAR AZIZAN HARUN

Pengerusi

Suruhanjaya Pilihan Raya Malaysia (SPR)

Tarikh : 5 April 2019 / 29 Rejab1440H